



Broj: 02-11-2009/23-AP-7
Datum: 19.10.2023. godine

Na osnovu člana 25., člana 69. Stav 2. tačka d) i člana 70. stav 1. Zakona o javnim nabavkama („Službeni glasnik BiH“, broj: 39/14 i 59/22), člana 29. Stav 2. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) i člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4 /22), u predmetu dodjele ugovora o javnoj nabavci radova „Izgradnja video nadzora Grada Zavidovići I faza i jedno nadzorno mjesto iz II faze“, Gradonačelnik Grada Zavidovića, d o n o s i

ODLUKU

Postupak javne nabavke radova „Izgradnja video nadzora Grada Zavidovići I faza i jedno nadzorno mjesto iz II faze“ broj 02-11-2009/23-AP-2 od 21.09.2023. godine objavljen u „Informacionom sistem E nabavki“ dana, 22.09.2023. godine putem Obavještenja o nabavci broj: 1374-1-3-170-3-143/23, poništava se.

Obrazloženje

Odlukom Gradonačelnika broj 02-11-2009/23-AP-2 od 21.09.2023. godine pokrenut je postupak dodjele ugovora za javnu nabavku radova „Izgradnja video nadzora Grada Zavidovići I faza i jedno nadzorno mjesto iz II faze“, putem otvorenog postupka za koji je dana, 22.09.2023.godine upućeno Obavještenje broj 1374-1-3-170-3-143/23 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda do 16.10.2023. godine do 12,00 sati dostavljena je 1 (jedna) ponuda, i to ponuda grupe ponuđača: 1., „IDEAL GRADNJA“ d.o.o. ZAVIDOVIĆI i „ANTENAL“ d.o.o. BANJA LUKA (Voditelj grupe: „IDEAL GRADNJA“ d.o.o. ZAVIDOVIĆI).

Komisija za javne nabavke zaprimila je pristiglu ponudu, izvršila njeno otvaranje, te izvršila pregled i ocijenu ponude prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

-da je pristigla ukupno jedna ponuda, da je blagovremena ali da nije prihvatljiva i formalno tehnički zadovoljavajuća:

Ponuda ponuđača „IDEAL GRADNJA“ d.o.o. Zavidovići je od strane Komisije za javne nabavke ocijenjena neprihvatljivom iz razloga što ponuđač nije popunio Obrazac za cijenu ponude u skladu sa tačkom 6.5 podtačka 6.5.1. tenderske dokumentacije

U tački 6.5 podtačka 6.5.1. Tenderske dokumentacije navedeno je da:

„Ponuđač je dužan dostaviti popunjen Obrazac za cijenu ponude i Obrazac za cijenu ponude sa tehničkom specifikacijom koji se nalaze u prilogu TD, u skladu sa svim podacima koji su definisani Aneksom 2 i Aneksom 3 odnosno za sve stavke koje su sadržane u tim obrascima.“

Ponuđač „IDEAL GRADNJA“ d.o.o. Zavidovići dostavio je nepotpun Obrazac za ponudu u kojem ponuđač nije dostavio drugu stranu Obrascu na kojoj se i navodi cijena.

Također, utvrđeno je da Ponuda ponuđača „IDEAL GRADNjA“ d.o.o. Zavidovići neprihvatljiva iz razloga što ponuđač nije dostavio dokaz o ispunjavanju uslova tehničke i profesionalne sposobnosti u skladu sa članom 48. i 51. Zakona o javnim nabavkama i tačkom 5.4. i 5.4.2. Tenderske dokumentacije, gdje je jasno definisano da ocjena tehničke i profesionalne sposobnosti ponuđača iz tačke 5.4.1. će se izvršiti na osnovu dostavljanja sledećih dokaza:

- a) “Spisak izvršenih ugovora o izvedenim radovima uz potvrdu koju daje druga ugovorna strana o njihovoj realizaciji, a koji su u vezi s predmetnom nabavkom za period ne duži od pet godina ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 5 (pet) godina, koji sadrži minimalno 2 (dva) ugovora čija ukupna zbirna vrijednost iznosi najmanje 90.000,00 KM bez uračunatog PDV-a. Uz spisak izvršenih ugovora ponuđač je dužan dostaviti i potvrde, koje su u vezi sa spiskom izvršenih ugovora o izvedenim radovima, a koje daje druga ugovorna strana o njihovoj realizaciji, a koje (potvrde) obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede”.

Ponuđač „IDEAL GRADNjA“ d.o.o. Zavidovići dostavio je Izjavu o ukupnom prometu ponuđača, broj 37-I/22 od 21.04.2022.godine, u kojoj je naveo spisak ugovora sa sličnim nadzorima sa pet privrednih subjekata, ali bez potvrde koje daje druga ugovorna strana o njihovoj uspješnoj realizaciji ili u ovom slučaju dokaza o pokušajima da se takve potvrde osiguraju od strane ugovorne strane što je traženo članom 5.4 predmetne Tenderske dokumentacije.

Komisija je u Zapisniku o pregledu i ocjeni ponuda broj: 02-11-2009/22-AP-3 od 18.10.2023. godine, dala prijedlog odgovornoj osobi Ugovornog organa da ponudu ponuđača „IDEAL GRADNjA“ d.o.o. Zavidovići odbaci kao neprihvatljivu u cjelosti u skladu sa članom 68.stav (4) i) Zakona, a da se postupak, obzirom da je dostavljena samo jedna ponuda koja je neprihvatljiva, okonča u skladu sa članom 69 stav 2. tačka d) Zakona o javnim nabavkama.

Članom 69. Zakona o javnim nabavkama, propisano je da se postupak javne nabave može se okončati zbog a) zaključenja ugovora o javnoj nabavi ili okvirnog sporazuma ili b) poništenjem postupka javne nabave.

U stavu 2. istog člana Zakona o javnim nabavkama propisano je da je ugovorno tijelo obvezano poništiti postupak javne nabavke u slučajevima kad: a) nije dostavljena nijedna ponuda u određenom krajnjem roku; b) nije dostavljen nijedan zahtjev za sudjelovanje u ograničenom postupku, u pregovaračkom postupku s ili bez objavljivanja obavijesti ili u natjecateljskom dijalogu; c) nije dostavljen broj ponuda određen u članku 32. stavku (4) ovoga Zakona, ako je bilo predviđeno zaključenje okvirnog sporazuma; d) nijedna od primljenih ponuda nije prihvatljiva; e) su cijene svih prihvatljivih ponuda znatno veće od osiguranih sredstava za predmetnu nabavku.

Obzirom da je u postupku dodjele ugovora o javnoj nabavci radova „Izgradnja video nadzora Grada Zavidovići I faza i jedno nadzorno mjesto iz II faze“, dostavljena samo jedna ponuda koja je neprihvatljiva, te datu preporuku Komisije za javne nabavke u skladu sa članom 69. Stav 2. tačka d) i člana 70. stav 1. Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu ove Odluke.


POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.


Dostavljeno:

1. Učesnicima u postupku
2. U spis.

Obradio/la: 
(Sanela Mulahasanović)

Kontrolisao: 
(Midhat Bajramović)




GRADONAČELNIK
doc.dr. Hašim Mujanović